

**■ GLOSSA**

# Maradona bitscha

DA SILVIO CAMENISCH

**T**ge fa Maradona meglier ch'ìls auters? Maradona «Il maun da Dieu» bitscha tuts ses ballapedists davant billiardas d'aspectaturs, senza vegnir cotschen. Madonna e Britney Spearce avevan dà in bitsch da tschientaner, sa vairifitgà la finala tar omaduas lesbas apparentas (Scheinlesben) sco turbo da carriera. Soli star-uffant figlia Lourdes (9) aveva gì disgust e sbragì: «Mami, mami, ès ti lesba?» La povra pitschnetta.

**T**ge fa Maradona ch'au- ters fan betg? Bitscha sia truppa, entant ch'au- ters be pitgan sin la spatla. Quai na tanscha definitiv betg pli per pretaisas dad oz. E sajan sincers: Pitgaspatlas ans avain pli che sufficient en la Basalgia, politica, cultura, betg il davos litteratura. Sch'i vegn schizunt qua u là tar il bitsch umid legendar sco tar Breschniew e Honecker u Gerti e E.T. dastga vegnir speculà. Jau na sun betg speculant, possed er betg in speculum uschia, auters bain.



**B**itschar ils jungstars u las legendas suenter in gol fatg è ina dimensiun dapli che be pitgar sin la spatla u en il dies sco quai che sontg Ottmar fa. Las divas da la naziunala svizra (patriotica) vulan esser tractadas sco las naziunalas internaziunalas. In bitsch il dretg mument al dretg lieu a la dretga persu- na è subit stimol per dapli: Subit vegnan producidas sti- mulanzas, sco quai ch'ins conuscha uschia tar tschigu- latta naira. Jau pens a la Ra- gusa naira (black) e litg umi- da la bucca.

**D**ieu Ottmar» è vegnì re- ducì en fitg, suenter la fitg flaivla prestaziun cunter

Honduras. Ch'ins na duess betg prender Ses sontg num malnizaivlamain en bucca e sa far da grond, da «Nus da Trun» uschia, dastgass er il «Blick» savair. Dieu chastia subit. Insumma vegni ì en- turn fitg leger cun simbols religius sin plazzas da balla- pe: Tar mintga balla stabla, bei jedem ruhenden Ball sco ils experts din a quai, vegn sa segnà cun la crusch a la svelta da giugaders trenaders e mussaders. E datti gols, datti scenas da samba ed embratschim, ch'è rut en actualmain.

**I**l Jesus dal ballape svizzer Sutter, il trenader-legen- da Gress, auters experts e fissgugentexperts, èn per- svads dal bitsch renconu- schaiVEL. Che quest novum fiss motor per prestaziuns al spitg er sin auters secturs, sun jau mez per- svadì. Pertge duess, schain ina giada in shootingstar- autur u gia diva betg era vegnir bitschà da ses coachs persunals, trenaders ed ac- cumpagnaders. Cun il zu- tger e la banana è l'impus- sibel pussibel, er tar nus umans.